



Ráðhús Reykjavíkur
Borgarráð

Efni: Skólaakstur fatlaðra grunnskólabarna

Á fundi skóla- og frístundaráðs 25. janúar 2017 var lagt fram minnisblað sviðsstjóra skóla- og frístundasviðs, dags. 20. janúar 2017, um sameiginlegar reglur Samtaka sveitarfélaga á höfuðborgarsvæðinu um skólaakstur fatlaðra grunnskólabarna auk þess lagðar fram sameiginlegar reglur Samtaka sveitarfélaga á höfuðborgarsvæðinu um skólaakstur fatlaðra grunnskólabarna á höfuðborgarsvæðinu. Hrund Logadóttir, verkefnastjóri á fagskrifstofu skóla- og frístundasviðs, kynnti og svaraði fyrirspurnum.

Sameiginlegar reglur sveitarfélaga á höfuðborgarsvæðinu samþykktar og vísað til borgarráðs.
Málinu er hér með vísað til borgarráðs

Virðingarfyllst

Helgi Grímsson
sviðsstjóri skóla- og frístundasviðs

Hjálagt:
Minnisblað sviðsstjóra, dags. 20. janúar 2017



Reykjavík, 20. janúar 2017
SFS2016030177
112. fundur / fskj. 1/2
HG/hl

MINNISBLAÐ

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Sameiginlegar reglur Samtaka sveitarfélaga á höfuðborgarsvæðinu um skólaakstur fatlaðra grunnskólabarna.

Í 3. gr. reglna um skólaakstur í grunnskóla nr. 656/2009 er kveðið á um að sveitarstjórn setji reglur um fyrirkomulag skólaaksturs og birti endurskoðaða áætlun um aksturinn í upphafi hvers skólaárs sem skuli vera íbúum aðgengileg.

Í 7. gr. sömu reglna segir: „Nemendur sem sökum fötlunar geta ekki nýtt sér almenningssamgöngur eða skólaakstur eiga rétt á ferðaþjónustu til og frá skóla skv. 1. mgr. 35. gr. laga nr. 59/1992 um málefni fatlaðra.“

Þann 19. maí 2014 samþykktu sveitarfélögin á höfuðborgarsvæðinu, SSH, sameiginlegar reglur um sameiginlega ferðaþjónustu fatlaðs fólks á höfuðborgarsvæðinu. Á sama tíma unnu sveitarfélögin að sameiginlegum reglum um skólaakstur fatlaðra grunnskólabarna. Þær reglur voru á þeim tíma ekki fullunnar, samþykktar eða birtar. Þessi vinna var síðan tekin upp aftur 2016. Nú liggja fyrir tillögur að sameiginlegum reglum um skólaakstur fatlaðra grunnskólabarna, sem sveitarfélögin hafa í sameiningu unnið að í samvinnu við Strætó bs og grundvallast á ofangreindu samkomulagi um sameiginlega ferðaþjónustu fatlaðs fólks frá 2014.

Notendur þjónustunnar eru grunnskólabörn sem sökum fötlunar sinnar geta ekki nýtt sér almenningssamgöngur eða almennan skólaakstur til að sækja heimaskóla sinn eða skóla utan skólahverfis síns vegna sérþarfa í námi. Reglurnar taka einnig til aksturs þessara barna í frístundaheimili.

Í reglunum er tilgreint hvernig staðið er að beiðnum um skólaakstur og afgreiðslu þeirra, tilhögun ferða, þjónustutíma og þjónustusvæði, aðstoðarmenn og öryggismál. Samkomulagið skal lagt fyrir sveitarstjórnir sveitarfélaganna og tekur gildi þegar allar hlutaðeigandi sveitarstjórnir hafa samþykkt það.